

Homilia sancti Gregorii
Papae.

Homil. xxij. in Evangelia.



Lectio sancti Evangelii, quam modo fratres audistis, valde in superficie historica est aperta: sed ejus nobis sunt mysteria sub brevitate requirenda. Maria Magdalene, cum adhuc tenebrae essent, venit ad monumentum. Juxta historiam notatur hora: juxta intellectum vero mysticum, requirentis signatur intelligentia. Maria etenim auctorem omnium, quem in carne viderat mortuum, quaerebat in monumento: et quia hunc minime invenit, furatum credidit. Adhuc ergo erant tenebrae, cum venit ad monumentum. Cucurrit citius, discipulis nuntiavit: sed illi praeter ceteris curerunt, qui praeter ceteris amaverunt, videlicet Petrus et Joannes.

R. Christus resurgens ex mortuis, jam non moritur, mors illi ultra non dominabitur: quod enim mortuus est, peccato mortuus est semel: * Quod autem vivit, vivit Deo, alleluia, alleluia. **V.** Mortuus est semel propter delicta no-

stra, et resurrexit propter justificationem nostram. — Quod autem.

Benedictio. Divinum auxilium.

Lectio ij.

Currabant autem duo simul: sed Joannes praecurrit citius Petro. Venit prior ad monumentum, et ingredi non praesumpsit. Venit ergo posterior Petrus, et intravit. Quid fratres, quid cursus significat? Numquid haec tam subtilis Evangelistae descriptio a mysteriis vacare credenda est? Minime. Neque enim se Joannes et praesisse, et non intrasse diceret, si in ipsa sui trepidatione mysterium defuisse credidisset. Quid ergo per Joannem, nisi synagoga: quid per Petrum, nisi Ecclesia designatur?

R. Isti sunt agni novelli, qui annuntiaverunt, alleluia: modo venerunt ad fontes, * Repleti sunt claritate, alleluia, alleluia. **V.** In conspectu Agni amicti sunt stolis albis, et palmarum in manibus eorum. — Repleti sunt. Gloria Patri. Repleti.

Benedictio. Ad societatem.

Lectio iij.

NEC mirum esse videatur, quod per juniorem synagoga, per seniorem vero Ecclesia signari perhibetur: quia etsi ad Dei cultum prior est synagoga, quam Ecclesia Gentium, ad usum tamen saeculi prior est multitudo Gentium, quam synagoga, Paulo attestante, qui ait: Quia non prius quod spiritale est, sed quod animale. Per seniore ergo Petrum significatur Ecclesia Gentium: per juniorem vero Joannem synagoga Judaeorum. Currunt ambo simul: quia ab ortu sui tempore usque ad occasum, pari et communi via, etsi non pari et communi sensu, Gentilitas cum synagoga cucurrit. Venit synagoga prior ad monumentum, sed minime intravit: quia legis quidem mandata percipit, prophetias de incarnatione ac passione Domini audit, sed credere in mortuum noluit.

Te Deum laudamus. 20.

Ad Bened. Añ. Currabant duo * simul, et ille alius discipulus praecurrit citius Petro, et venit

prior ad monumentum, alleluia.

Oratio.

Concède quaesumus omnipotens Deus: ut qui festa Paschalia venerando egimus, per haec contingere ad gaudia aeterna mereamur. Per Dominum nostrum.

AD VESPERAS.

Officium fit Duplex.

Añ. Alleluia, alleluia, alleluia.

Ps. Benedictus. cum reliquis ut in Psalterio, 169. qui sub una tantum Añ dicuntur.

Capitulum. i. Joann. v.

Arissimi, Omne, quod natum est ex Deo, vincit mundum: et haec est victoria, quae vincit mundum, fides nostra.

Hymnus.

Ad regias agni dapes Stolis amicti candidis Post transitum Maris rubri Christo canamus Principi. Divina cujus caritas Sacrum propinat sanguinem, Almique membra corporis Amor sacerdos immolat.

Sparsum cruorem postibus
Vastator horret Angelus:
Fugitque divisum mare:
Merguntur hostes fluctibus.

Jam Pascha nostrum Christus est,

Paschalis idem victima,
Et pura puris mentibus
Sinceritatis azyma.

O vera caeli victima,
Subiecta cui sunt tartara,

Soluta mortis vincula,
Recepta vitae praemia.

Victor subactis inferis
Trophaea Christus explicat,

Caeloque aperto, subditum

Regem tenebrarum trahit.

Ut sis perenne mentibus
Paschale Jesu gaudium,
A morte dira criminum

Vitae renatos libera
Deo Patri sit gloria,

Et Filio, qui a mortuis
Surrexit, ac Paraclito,
In sempiterna saecula.

Amen.

Sic terminantur omnes
Hymni ejusdem metri usque
ad Ascensionem, praeterquam
in Officio B. Mariae, et in Hymno sanctae
Crucis ad Vesperas.

Mane nobiscum Domini-

ne, alleluia. *℟.* Quoniam
advesperascit, alleluia.

Ad Magnif. Añā. Cum
esset sero die illa una sab-
batorum, et fores essent
clausae, ubi erant discipuli
congregati in unum, stetit
Jesus in medio, et dixit
eis: Pax vobis, alleluia.

Oratio.

PRaesta quaesumus om-
nipotens Deus: ut
qui Paschalia festa per-
egimus, haec, te largiente,
moribus et vita teneamus.
Per Dominum.

℞. Benedicamus Domino.
*deinceps dicitur sine Alle-
luia.*

*Completorium dicitur ut
in Psalterio. 175. omissis
Precibus, et loco Añae. Mi-
serere. dicitur Añā. Alle-
luia, * alleluia, alleluia. Et
in fine Añae. Salva nos.
additur Alleluia.*

*Sic dicitur usque ad Do-
minicam Trinitatis exclu-
sive: et quando non est
Duplex, nec infra Octa-
vam, dicuntur Preces ut
in Psalterio.*

*Ad ℞℞. br. et ℞℞. per
omnes Horas, jungitur Al-
leluia. usque ad Sabbatum
post Pentecosten, praeter-
quam in ℞. ad Preces
Primae, et Completorii,
quando dicuntur. Et quan-*

*documque Alleluia jungi-
tur ℞. brevi, duplicatur:
sed in ℞℞. dicitur semel.*

DOMINICA IN ALBIS,
IN OCTAVA PASCHÆ.

Duplex.

AD MATUTINUM.

Invitat. Surrexit Domi-
nus. *et Hymnus.* Rex sem-
piternae. *ut in Psalterio. 4.*

In I. Nocturno.

Añā. Alleluia, Lapis revo-
lutus est, alleluia: ab ostio
monumenti, alleluia, al-
leluia.

℞. Surrexit Dominus de
sepulcro, alleluia. *℞.* Qui
pro nobis pependit in li-
gno, alleluia.

*In quolibet Nocturno,
Psalmi dicuntur sub una
Añā (quae duplicatur) et
℞. pro tempore Paschali
ut in Psalterio.*

De Epistola beati Pauli
Apostoli ad Colossenses.

Lectio j.

Cap. iij.

SI consurrexistis
cum Christo: quae
sursum sunt quae-

rite, ubi Christus est in
dextera Dei sedens: quae
sursum sunt sapite, non
quae super terram. Mortui
enim estis, et vita vestra
abscondita cum Chri-
sto in Deo. Cum Christus
apparuerit, vita vestra:

tunc et vos apparebitis
cum ipso in gloria. Mor-
tificate ergo membra ve-
stra, quae sunt super ter-
ram: fornicationem, im-
munditiam, libidinem, con-
cupiscentiam malam, et
avaritiam, quae est simu-
lacrorum servitus: pro-
pter quae venit ira Dei
super filios incredulitatis:
in quibus et vos ambulatis
aliquando, cum vive-
retis in illis.

℞. Angelus Domini de-
scendit de caelo, et accen-
dens revolvit lapidem, et
super eum sedit, et dixit
mulieribus: * Nolite ti-
mere: scio enim quia
crucifixum quaeritis: jam
surrexit: venite et videte
locum, ubi positus erat
Dominus, alleluia. *℞.* Et
introeuntes in monumen-
tum, viderunt juvenem
sedentem in dextris, co-
opertum stola candida, et
obstupuerunt: qui dixit
illis. — Nolite.

Lectio ij.

Nunc autem depone
et vos omnia: iram,
indignationem, malitiam,
blasphemiam, turpem ser-
monem de ore vestro. No-
lite mentiri invicem, ex-
spoliantes vos veterem ho-
minem cum actibus suis, et

induéntes novum eum, qui renovátur in agnitióem, secúndum imáginem ejus, qui creávit illum. Ubi non est Gentílis, et Judæus, circumcisio, et præputium, Bárbarus, et Scytha, servus, et liber : sed ómnia, et in ómnibus Christus. Indúite vos ergo sicut elécti Dei, sancti, et dilécti, víscera misericórdiæ, benignitátem, humilitátem, modéstiam, paciéntiam : supportántes ínvicem, et donántes vobismetípsos si quis advérsus áliquem habet querélam : sicut et Dóminus donávit vobis, ita et vos.

R. Angelus Dómini locúsus est muliéribus, dicens : Quem quæritis? an Jesum quæritis? jam surréxit : * Veníte, et vidéte, allelúia, allelúia. **V.** Jesum quæritis Nazarénum crucifíxum? surréxit, non est hic. — Veníte.

Lectio iij.

Super ómnia autem hæc, caritátem habéte, quod est vñiculum perfectiõnis : et pax Christi exsúltet in córdibus vestris, in qua et vocáti estis in uno córpore : et grati estóte. Verbum Christi hábitet in vobis abundán-

ter, in omni sapiéntia, docétes et commonétes vosmetípsos, psalmis, hymnis, et cánticis spiri- tuálibus, in grátia cantántes in córdibus vestris Deo. Omne, quodcúmque fáctis in verbo aut in ópere, ómnia in nómine Dómini Jesu Christi, grátias agétes Deo et Patri per ipsum.

R. Cum transisset sábbatum, María Magdaléne, et María Jacóbi, et Salóme emérunt arómata, * Ut veniéntes úngerent Jesum, allelúia, allelúia. **V.** Et valde mane una sabbatórum véniunt ad monuméntum, orto jam sole. — Ut. **Gloria Patri.** Ut.

In II. Nocturno.

Añ. Allelúia, Quem quæris mulier? allelúia : vivéntem cum mórtuis? allelúia, allelúia.

V. Surréxit Dóminus ve- re, allelúia. **R.** Et apparuit Simóni, allelúia.

Sermo sancti Augustini Epíscopi.

Serm. j. in Octava Paschæ, qui est clvij. de Tempore.

Lectio in.

Neschális solénnitas hodiérna festi- vitáte conclúditur, et ideo hódie Neo-

phytórum hábitus com- mutátur : ita tamen, ut candor, qui de hábitu de- pónitur, semper in corde teneátur. In qua quidem primum nobis agéndum est, ut quia Pascháles dies sunt, id est, indulgéntiæ ac remissiónis, ita a nobis sanctórum diérum festi- vitas agátur, ut relaxatióne córporum puritas non ob- fuscétur : sed pótius absti- néntes ab omni luxu, ebrie- tate, lascívia, demus ópe- ram sóbriæ remissióni, ac sanctæ sinceritati : ut quidquid modo corporáli abstinentia non acquiri- mus, méntium puritate quæramus.

R. María Magdaléne, et áltera María ibant dilúculo ad monuméntum. * Jesum quem quæritis, non est hic, surréxit sicut locúsus est, præcédet vos in Galilæam, ibi eum vidébitis, allelúia, allelúia. **V.** Et valde mane una sabbatórum véniunt ad monuméntum, orto jam sole : et introeúntes vidérunt júvenem sedén- tem in dextris, qui dixit illis. — Jesum.

Lectio v.

Ad omnes quidem pér- tinet sermo, quos cu- ra nostra compléctitur :

verúntamen hódie termi- náta sacramentórum so- lemnitáte, vos allóquimur novélla gérmina sanctitá- tis, regeneráta ex aqua et Spíritu sancto : germen- pium, exámen novéllum, flos nostri honóris, et fru- ctus labóris, gáudium et coróna mea, omnes qui statis in Dómino. Apostó- licis verbis vos álloquor : Ecce nox præcésit, dies autem appropinquávit : abjicite ópera tenebrá- rum, et induíte vos arma lucis. Sicut in die honéste ambulémus : non in com- messatióibus, et ebrietá- tibus, non in cubilibus, et impudiciis, non in con- tentiõne, et æmulatiõne : sed induímini Dóminum Jesum Christum.

R. Surréxit pastor bonus, qui ánimam suam pósuit pro óvibus suis, et pro grege suo mori dignátus est : * Allelúia, allelúia, allelúia. **V.** Etenim Pascha nostrum immolátus est Christus. — Allelúia.

Lectio vij.

Habémus, inquit, cer- tiórem prophéticum sermónem : cui bene fá- ctis intendétes tam- quam lucérnæ in obscu- ro loco, donec dies lu-

céscat, et lúifer oriátur in córdibus vestris. Sint ergo lumbi vestri accincti, et lucernæ ardentes in má nibus vestris : et vos símiles homínibus expectántibus Dóminum suum, quando revertátur a nuptiis. Ecce dies adveniunt, in quibus Dóminus dicit : Pusillum, inquit, et non vidébitis me : et iterum pusillum, et vidébitis me. Hæc est hora, de qua dixit : Vos tristes éritis, sæculum autem gaudébit : id est, vita ista tentatió nibus plena, in qua peregrinámur ab eo. Sed iterum, inquit, vidébo vos, et gaudébit cor vestrum, et gáudium vestrum nemo tollet a vobis.

℟. Virtúte magna reddebant Apóstoli, * Testimónium resurrectionis Jesu Christi Dómini nostri, allelúia, allelúia. ℣. Repléti quidem Spíritu sancto loquebantur cum fiducia verbum Dei. — Testimónium. Glória Patri. Testimónium.

In III. Nocturno.

Ant. Allelúia, Noli flere María, allelúia : resurrexit Dóminus, allelúia, allelúia.

℣. Gavisi sunt discipuli,

allelúia. ℟. Viso Dómino, allelúia.

Lectio sancti Evangelii secúndum Joánnem.

Lectio vij. Cap. xx. e

IN illo témpore : Cum sero esset die illo, una sabbatorum, et fores essent clausæ, ubi erant discipuli congregati propter metum Judæorum : venit Jesus, et stetit in médio, et dixit eis : Pax vobis. Et reliqua.

Homilia sancti Gregorii Papæ.

Homilia xxvj. in Evang.

Quæstio ánimus evangelicæ pulsat : quómodo post resurrectionem corpus Dóminicum verum fuit, quod clausis jánuis ad discipulos ingredi pótuit? Sed sciéndum nobis est, quod divina operatio, si ratióne comprehenditur, non est admirabilis : nec fides habet méritum, cui humana ratió præbet experimentum. Sed hæc ipsa nostri Redemptoris ópera, quæ ex semetipsis comprehendendi nequáquam possunt, ex alia ejus operatióne pensanda sunt : ut rebus mirabilibus fidem præbeant facta mirabilióra. Illud

enim corpus Dómini intrávit ad discipulos jánuis clausis, quod videlicet ad humanos óculos per natiuitatem suam clauso exiuit útero Virginis. Quid ergo mirum, si clausis jánuis post resurrectionem suam in ætérnum jam victurus intrávit, qui moriturus veniens, non aperto útero Virginis exiuit?

℟. De ore prudentis procedit mel, allelúia : dulcédo mellis est sub lingua ejus, allelúia : * Favus distillans lábia ejus, allelúia, allelúia. ℣. Sapientia requiescit in corde ejus, et prudentia in sermone oris illius. — Favus.

Lectio vij.

SED quia ad illud corpus, quod vidéri póterat, fides intuéntium dubitabat : osténdit eis prótinus manus et latus : palpandam carnem præbuit, quam clausis jánuis introduxit. Qua in re duo mira, et juxta humanam ratióne sibi valde contrária osténdit : dum post resurrectionem suam corpus suum incorruptibile, et tamen palpabile demonstrávit. Nam et corrumpi necesse est quod palpatur : et

palpári non potest quod non corrumpitur. Sed miro modo atque inæstimabili Redemptor noster et incorruptibile post resurrectionem, et palpabile corpus exhibuit : ut monstrando incorruptibile, invitaret ad præmium : et præbendo palpabile, firmaret ad fidem. Et incorruptibilem se ergo, et palpabilem demonstrávit : ut profecto esse post resurrectionem osténderet corpus suum et ejusdem naturæ, et altérius glóriæ.

℟. Surgens Jesus Dóminus noster, stans in médio discipulorum suorum, dixit : * Pax vobis, allelúia : gavisi sunt discipuli viso Dómino, allelúia. ℣. Una ergo sabbatorum, cum fores essent clausæ, ubi erant discipuli congregati, venit Jesus, et stetit in médio eorum, et dixit eis. — Pax vobis. Glória Patri. Pax vobis.

Lectio jr.

Dixit eis : Pax vobis. Sicut misit me Pater, et ego mitto vos : id est, sicut misit me Pater Deus Deum, et ego mitto vos homo hómines. Pater Filium misit, qui hunc pro redemptione generis hu-

máni incarnári constituit. Quem videlicet in mundum venire ad passionem voluit: sed tamen amavit Filium, quem ad passionem misit. Eléctos vero Apóstolos Dóminus non ad mundi gáudia, sed sicut ipse missus est, ad passiones in mundum mittit. Quia ergo et Filius amatur a Patre, et tamen ad passionem mittitur: ita et discipuli a Dómino amántur, qui tamen ad passionem mittuntur in mundum. Itaque recte dicitur: Sicut misit me Pater, et ego mitto vos: id est, ea vos caritate diligo cum inter scándala persecutorum mitto, quam me caritate Pater diligit, quem venire ad tolerandas passiones fecit.

Te Deum. 20.

AD LAUDES.

Añæ pro temp. Pasch. quæ duplicantur, et Psalmi de Dominica, ut in Psalt. 21. Capitulum. 1. Joann. v.

Carissimi, Omne, quod natum est ex Deo, vincit mundum: et hæc est victória, quæ vincit mundum, fides nostra.

Hymnus. Auróra cœli. et **℣.** In resurrectione. 25.

Ad Bened. Añæ. Cum esset sero die illa una sabbatorum, et fores essent clausæ, ubi erant discipuli congregati in unum, stetit Jesus in medio, et dixit eis: Pax vobis, allelúia.

Oratio.

Præsta quæsumus omnipotens Deus: ut quia Paschalia festa perégimus, hæc, te largiente, moribus et vita teneamus. Per Dóminum.

AD PRIMAM.

Hymnus. Jam lucis. 27.

Añæ. Allelúia, * allelúia, allelúia, allelúia.

Psalmi. Deus in nómine. Beati immaculati. Retribue. et Quicumque. **ut in Psalterio Dominica ad Primam. 27.**

Prædicti Psalmi dicuntur Dominicis diebus usque ad Ascensionem.

Capit. Regi sæculorum. et **℣. br. Christe Fili. temp. Pasch. ut in Psalterio. 32.** Et sic dicitur **℣. breve usque ad Ascensionem.**

Et quando non est Duplex, aut infra Octavas, dicuntur Preces de Dominica ut in Psalterio. 32.

Ad Absolutionem Capituli, Lectio br. Si consurrexistis. ut in Psalterio. 35.

AD TERTIAM.

Añæ. Allelúia, * allelúia, allelúia, allelúia.

Quæ Añæ dicitur et ad alias Horas.

Capit. ut in Laud. 386.

℣. br. Surréxit Dóminus de sepúlcro, * Allelúia, allelúia. Surréxit. ℣. Qui pro nobis pepéndit in ligno. Allelúia, allelúia.

Glória Patri. Surréxit.

℣. Surréxit Dóminus vere, allelúia. ℣. Et apparuit Simóni, allelúia.

AD SEXTAM.

Capitulum. 1. Joann. v. b

Quis est autem qui vincit mundum, nisi qui credit quóniam Jesus est Filius Dei? hic est qui venit per aquam et sanguinem, Jesus Christus: non in aqua solum, sed in aqua et sanguine.

℣. br. Surréxit Dóminus vere, * Allelúia, allelúia. Surréxit. ℣. Et apparuit Simóni. Allelúia, allelúia. Glória Patri. Surréxit.

℣. Gavisi sunt discipuli, allelúia. ℣. Viso Dómino, allelúia.

AD NONAM.

Capitulum. 1. Joann. v. b

Si testimónium hóminum accipimus, testimónium Dei majus est: quóniam hoc est testimo-

nium Dei, quod majus est, quóniam testificatus est de Filio suo. Qui credit in Filium Dei, habet testimónium Dei in se.

℣. br. Gavisi sunt discipuli, * Allelúia, allelúia. Gavisi. ℣. Viso Dómino. Allelúia, allelúia. Glória Patri. Gavisi.

℣. Mane nobiscum Dómine, allelúia. ℣. Quóniam advesperáscit, allelúia.

AD VESPERAS.

Añæ. Allelúia, allelúia, allelúia.

Psalmi de Dominica, 147. qui sub una tantum Añæ dicuntur.

Capitulum et Hymnus ut in Vesperis Sabbati. 379.

℣. Mane nobiscum Dómine, allelúia. ℣. Quóniam advesperáscit, allelúia.

Ad Magnif. Añæ. Post dies octo januis clausis ingressus Dóminus dixit eis: Pax vobis, allelúia, allelúia.

Hymni, ℣℣. et ℣℣. brevía hujus Domin. dicuntur usque ad Ascensionem, etiam in feriali Officio.

FERIA SECUNDA.

Invit. Allelúia, allelúia, * Allelúia. Ps. Veníte. 2. Hymn. Rex sempitérne. 4.

Aña. Allelúia. Psalmi de ij. Feria, ut in Psalt. 54.

Psalmi feriales Nocturnorum dicuntur sub una Aña. Allelúia. et V. Surrexit. ut in Psalterio, usque ad Ascensionem.

Incipit liber Actuum Apostolorum.

Lectio j.

Cap. j.



Rimum quidem sermonem feci de omnibus o Theophile, quæ cœpit Jesus facere, et docere usque in diem, quæ præcipiens Apóstolis per Spiritum sanctum, quos elégit, assumptus est: quibus et præbuit seipsum vivum post passionem suam in multis argumentis, per dies quadraginta apprensens eis, et loquens de regno Dei. Et convescens, præcepit eis ab Jerosólymis ne discederent, sed exspectarent promissionem Patris, quam audistis (inquit) per os meum: quia Joánnes quidem baptizávit aqua, vos autem baptizabimini Spiritu sancto non post multos hos dies. Igitur qui convenerant, interrogabant eum, dicentes: Dómine si in tempore hoc restitues regnum Israel? Dixit autem eis: Non est vestrum nosse

tempora vel momenta, quæ Pater posuit in sua potestate: sed accipietis virtutem superveniéntis Spiritus sancti in vos, et eritis mihi testes in Jerúsalem, et in omni Judæa, et Samaría, et usque ad ultimum terræ.

℟. Virtute magna. 371.

Lectio ij.

ET cum hæc dixisset, videntibus illis, elevatus est: et nubes suscepit eum ab oculis eorum. Cumque intuerentur in cœlum euntem illum, ecce duo viri astiterunt juxta illos in vestibus albis, qui et dixerunt: Viri Galilæi quid statis aspicientes in cœlum? Hic Jesus, qui assumptus est a vobis in cœlum, sic veniet quem admodum vidistis eum euntem in cœlum. Tunc reversi sunt Jerosólymam a monte, qui vocatur Oliveti, qui est juxta Jerúsalem, sabbati habens iter. Et cum introissent in cœnaculum, ascenderunt ubi manebant Petrus, et Joánnes, Jacóbus, et Andréas, Philíppus, et Thomas, Bartholomæus, et Matthæus, Jacóbus Alphaei, et Simon Zelotes, et Judas Jacóbi. Hi omnes erant perseve-

rantes unanimiter in oratione cum mulieribus, et María matre Jesu, et fratribus ejus.

℟. De ore. 371.

Lectio iij.

Indièbus illis exsurgens Petrus in medio fratrum, dixit (erat autem turba hominum simul, ferecentum viginti.) Viri fratres, oportet impleri Scripturam, quam prædixit Spiritus sanctus per os David de Juda, quæ fuit dux eorum, qui comprehenderunt Jesum: qui connumeratus erat in nobis, et sortitus est sortem ministerii hujus. Et hic quidem possedit agrum de mercède iniquitatis, et suspensus crepuit medius: et diffusa sunt omnia viscera ejus. Et notum factum est omnibus habitantibus Jerúsalem, ita ut appellarétur ager ille, lingua eorum, Haceldama, hoc est, ager sanguinis. Scriptum est enim in libro Psalmorum: Fiat commoratio eorum deserta, et non sit qui inhabitet in ea: et episcopatum ejus accipiat alter. Oportet ergo ex his viris, qui nobiscum sunt congregati in omni tempore, quo in-

travit et exivit inter nos Dóminus Jesus, incipiens a baptisate Joánnis, usque in diem, quæ assumptus est a nobis, testem resurrectionis ejus nobiscum fieri unum ex istis. Et statuerunt duos, Joseph, qui vocabatur Barsabas, qui cognominatus est Justus: et Mathiam. Et orantes dixerunt: tu Dómine, qui corda nosti omnium, ostende, quem elegeris ex his duobus unum accipere locum ministerii hujus, et apostolatus, de quo prævaricatus est Judas ut abiret in locum suum. Et dederunt sortes eis, et cecidit sors super Mathiam, et annumeratus est cum undecim Apóstolis.

Hoc tempore Paschali non dicitur iij. ℟. in feriali Officio. sed Hymnus. Te Deum laudamus. 20.

AD LAUDES.

Aña. Allelúia.

Ps. Dóminus regnavit. cum reliquis Añis et Psalmis de Psalterio ut in Dominica. 21.

Capitulum, Hymnus et V. ibidem. 25.

*Ad Bened. Aña. Surgens Jesus * mane prima sabbati, apparuit primo Ma-*

riæ Magdalænæ, de qua ejectionem septem dæmonia, allelúia.

Oratio. Præsta. 386.

Postea fit Commem. de Cruce, quæ Comm. quotidie fit in Laud. et Vesp. usque ad Ascensionem, tam in Officio de Tempore quam de Sanctis, nisi sit Duplex, aut infra Octav. Aliæ Commemor. de S. Maria, de S. Joseph, de Apostolis, et de Pace, non dicuntur tempore Pasch.

In Laud. Aña de Cruce. Crucifixus surrexit a mortuis, et redemit nos, allelúia, allelúia.

In Vesp. Aña. Crucem sanctam subiit qui infernum confrégit, accinctus est potentia, surrexit die tertia, allelúia.

℟. Dicitur in nationibus, allelúia. ℞. Quia Dominus regnavit a ligno, allelúia.

Oratio.

DEus, qui pro nobis Filium tuum crucis patibulum subire voluisti, ut inimici a nobis expelleres potestatem: concede nobis famulis tuis, ut resurrectionis gratiam consequamur. Per eundem Dominum.

In feriali Officio, Prima dicitur sicut in Festis sim-

plicibus, toto temp. Pasch. Psalmi Horarum dicuntur cum quatuor Allelúia.

Ad alias Horas omnia dicuntur ut in Psalterio pro tempore Paschali.

AD VESPERAS.

Psalmi de Psalterio, 152. sub una Aña. Allelúia. Capitulum. Christus resurgens. Hymnus. Ad régias. et ℟. Mane nobiscum. ut in Psalterio. 154.

Ad Magnificat, Aña. Pax vobis * ego sum, allelúia: nolite timere, allelúia.

Invitat. Capitula, et ℞℞. brevia suprascripta, dicuntur in feriali Officio usque ad Ascensionem.

FERIA TERTIA.

De Actibus Apostolorum.

Lectio j. Cap. ij.

ST cum compleretur dies Pentecostes, erant omnes pariter in eodem loco: et factus est repente de celo sonus, tamquam adveniēntis spiritus vehementis, et replēvit totam domum ubi erant sedentes. Et apparuerunt illis dispersitæ linguæ tamquam ignis, seditque supra singulos eorum: et replēti sunt omnes Spiritu sancto, et cœperunt loqui vā-

riis linguis, prout Spiritus sanctus dabat eloqui illis. Erant autem in Jerusalem habitantes Judæi, viri religiosi ex omni natione, quæ sub celo est. Facta autem hac voce, convēnit multitudo, et mente confusa est, quoniam audiēbat unusquisque lingua sua illos loquentes. Stupēbant autem omnes, et mirabantur, dicentes: Nonne ecce omnes isti, qui loquuntur, Galilæi sunt, et quomodo nos audivimus unusquisque linguam nostram, in qua nati sumus?

℞. Ecce vicit leo. 373.

Lectio ij.

STans autem Petrus cum undecim levavit vocem suam, et locutus est eis: Viri Judæi, et qui habitatis Jerusalem universi, hoc vobis notum sit, et auribus percipite verba mea. Non enim, sicut vos aestimatis, hi ebrii sunt, cum sit hora diē tertia: sed hoc est, quod dictum est per Prophetam Joel: Et erit in novissimis diebus (dicit Dominus) effundam de Spiritu meo super omnem carnem: et prophetabunt filii vestri, et filiae vestrae, et juvenes

vestri visiones videbunt, et seniores vestri somnia somniant. Et quidem super servos meos, et super ancillas meas in diebus illis effundam de Spiritu meo, et prophetabunt: et dabo prodigia in celo sursum, et signa in terra deorsum, sanguinem, et ignem, et vaporem fumi: Sol convertetur in tenebras, et luna in sanguinem, antequam veniat dies Domini magnus et manifestus. Et erit: omnibus, quicumque invocaverit nomen Domini, salvus erit.

℞. Ego sum vitis. 373.

Lectio iij.

Viri Israelitæ, audite verba hæc: Jesum Nazarenum, virum approbatum a Deo in vobis, virtutibus, et prodigiis, et signis, quæ fecit Deus per illum in medio vestri, sicut et vos scitis: hunc definito consilio et præscientia Dei traditum, per manus iniquorum affligentes interemistis: quem Deus suscitavit, solutis doloribus inferni, juxta quod impossibile erat teneri illum ab eo. David enim dicit in eum: Providēbam Dominum in conspectu meo

semper : quóniam a dextris est mihi ne commovear : Propter hoc lætatum est cor meum, et exsultávit lingua mea, insuper et caro mea requiescet in spe : Quóniam non derelinques ánimam meam in inférno, nec dabis Sanctum tuum videre corruptionem.

Te Deum laudámus. 20.

Ad Bened. Aña. Præcedam vos * in Galilæam, ibi me vidébitis, sicut dixi vobis, allelúia, allelúia.

Ad Magnif. Aña. Mitte manum tuam, * et cognosce loca clavórum, allelúia : et noli esse incredulus, sed fidélis, allelúia.

FERIA QUARTA.

De Actibus Apostolorum.

Lectio j. **Cap. iij.**

¶ Petrus autem et Joánnēs ascendebant in templum ad horam orationis nonam. Et quidam vir, qui erat claudus ex útero matris suæ, bajulabatur : quem ponebant quotidie ad portam templi, quæ dicitur Speciósá, ut péteret eleemósynam ab introeúntibus in templum. Is cum vidisset Petrum et Joánnem incipientes introire

in templum, rogábat ut eleemósynam accíperet. Intuens autem in eum Petrus cum Joánnē, dixit : Réspice in nos. At ille intendébat in eos, sperans se áliiquid acceptúrum ab eis. Petrus autem dixit : Argéntum et aurum non est mihi : quod autem habeo, hoc tibi do : In nómine Jesu Christi Nazaréni surge, et ámbula.

℟. Surgens Jesus. 376.

Lectio ij.

¶ Et apprehénsa manu ejus dextera, allevávit eum, et prótinus consolidátæ sunt bases ejus, et plantæ. Et exsiliens stetit, et ambulábat : et intrávit cum illis in templum ámbulans, et exsiliens, et laudans Deum. Et vidit omnis pópulus eum ambulántem, et laudántem Deum. Cognoscébant autem illum, quod ipse erat, qui ad eleemósynam sedébat ad Speciósam portam templi : et impléti sunt stupóre et éctasi in eo, quod contígerat illi. Cum tenéret autem Petrum et Joánnem, cucúrrit omnis pópulus ad eos ad pórticum, quæ appellátur Salomónis, stupéntes.

℟. Expurgáte. 377.

Lectio iij.

Videns autem Petrus respóndit ad pópulum : Viri Israelítæ quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham, et Deus Isaac, et Deus Jacob, Deus patrum nostrórum glorificávit Fílium suum Jesum, quem vos quidem tradidistis, et negástis ante faciém Piláti, judicánte illo dimítti. Vos autem sanctum, et justum negástis, et petístis virum homicidam donári vobis : auctórem vero vitæ interfecístis, quem Deus suscitávit a mórtuis, cujus nos testes sumus. Et in fide nóminis ejus, hunc, quem vos vidístis, et nostis, confirmávit nomen ejus : et fides, quæ per eum est, dedit íntegram sanitátem istam in conspéctu ómnium vestrum.

Te Deum laudámus. 20.

Ad Bened. Aña. Ego sum vitis vera, * allelúia : et vos pálmities veri, allelúia.

Ad Magnif. Aña. Quia vidisti me, * Thoma, credidisti : beáti qui non viderunt, et crediderunt, allelúia.

FERIA QUINTA.

De Actibus Apostolorum.

Lectio j. **Cap. v.**



¶ Vir autem quidam nómine Ananias, cum Saphíra uxóre sua vendidit agrum, et fraudávit de pretio agri, cónschia uxóre sua : et áfferens partem quamdam, ad pedes Apostolorum pópulo. Dixit autem Petrus : Anania, cur tentávit sátanas cor tuum, mentíri te Spirítui sancto, et fraudáre de pretio agri? Nonne manens tibi manébat, et venúmdatam in tua erat potestáte? Quare posuisti in corde tuo hanc rem? Non es mentitus homínibus, sed Deo. Audiens autem Ananias hæc verba, cécidit, et exspirávit. Et factus est timor magnus super omnes, qui audierunt. Surgéntes autem júvenes amoverunt eum, et efferéntes sepelierunt.

℟. Christus. 378.

Lectio ij.

¶ Factum est autem quasi horárum trium spátium, et uxor ipsíus, nésciens quod factum fuerat, introívit. Dixit autem ei Petrus : Dic mihi mulier, si tanti agrum ven-